



USAID
OD AMERIČKOG NARODA

Servis centar „Dajte nam šansu“

Udruženje za podršku porodicama djece i osoba s poteškoćama u razvoju „Dajte nam šansu“



Naziv projekta: Servis centar „Dajte nam šansu“

Trajanje projekta: 24 mjeseca

Vrijednost projekta: 527.444 KM

Partneri u provođenju: Fondacija „Centar za djecu i omladinu sa smetnjama u razvoju“ Doboj i Dječiji edukativni centar „Svjetlice“ Banja Luka

Lokacije provođenja: Sarajevo (Općine Novi Grad i Centar) i Banja Luka

Ukratko o projektu: Dvogodišnji projekt koji se implementira u vidu esencijalne podrške radu postojećeg, ali i otvaranju dva nova Servis centra u Sarajevu i Banjoj Luci. Rad centara temelji se na pružanju besplatnih usluga za porodice djece i osoba s poteškoćama u razvoju, neovisno o dobi ili stepenu poteškoće.

Na dan otvorenja Sevisnog centra „Dajte nam šansu - Svjetlice“ u Banjoj Luci Milica Trubajić, djevojčica s Downovim sindromom, čije su slike ukrasile prostor novootvorenog centra, recitacijom i osmijehom je dočekala svoje vršnjake, goste i medijske ekipe. Sretna je jer je, kako kaže, dobila mjesto za igru i druženje. Dok je za Milicinu porodicu Centar novi podstrek u odgoju i razvoju njihove kćerke koja je dobila mogućnost da s njom radi tim stručnjaka - educirani nastavni i volonterski kadar.

Centar je mjesto koje neće samo osnaživati žene-majke već i cijele porodice koje se svakodnevno suočavaju s osjećajem inferiornosti, nemoći ili potpune nevidljivosti njihove djece u društvu. Milica je postala simbol za svu ostalu djecu i osobe s poteškoćama u razvoju koje trebaju sličan vid podrške neovisno o dobi i stepenu teškoće. Postala je simbol broja oko trideset hiljada djece s poteškoćama u razvoju u BiH. Inkluzivna nastava, specijalizirana obrazovna ustanova ili potpuno isključenje iz sistema školovanja zbog visokog stepena invaliditeta gotovo su jedine tri opcije s kojima se suočavaju porodice djece i osoba sa poteškoćama u razvoju. Napuštanje, zanemarivanje, diskriminacija i institucionalizacija postaju nepoznanica kada se njima i njihovim porodicama pruži prilika da se ostvaruju kao drugi.

Približno trideset hiljada djece poput Milice u BiH podršku dobiva isključivo u vlastitoj porodici, nekoj instituciji ili kroz sporadično obrazovanje. Dijete ili osoba sa poteškoćama u razvoju u BiH rijetko ima priliku za obrazovanje, zaposlenje, inkluziju i ravnopravno učešće u društvu. Otvaranjem ovog drugog Servisnog centra „Dajte nam šansu“ u BiH, pored već postojećeg u Sarajevu, ove činjenice postepeno postaju prošlost. Inkluzija nije način na koji se ove osobe uključuju u procese u svojim zajednicama, već način na koji se te zajednice prilagode prvenstveno njima, ali i njihovim porodicama kroz adekvatne programe, podršku, aktivnosti. „Svi imamo iste interese kada se radi o dobrobiti naše djece.“ – rekla je američka ambasadorica u BiH Marueen Cormack i tom rečenicom obilježila početak nove etape za ravnopravne članove bh. društva - djecu i osobe s poteškoćama u razvoju.